

Radononza generala dalla Pleiv catolica romana Trun

Protocol dils 10 da matg 2023 allas 20.00 uras en sala da cultura en scola Trun

1. Beinvegni, approbaziun dalla gliesta da tractandas, elecziuns dumbravuschs

Il president fa in cordial beinvegni a tuts presents (total 26). In special beinvegni fa el a nies plevon sur Tomasz.

La gliesta da tractandas ei stada publicada duas gadas el fegl ufficial, l'emprema ga ils 28-04, pia 10 dis avon il termin tenor art. 16 da nossa constituziun. La radunonza ei pia convocada legalmein. Las tractandas 2-6 e 8 cun tuttas informaziuns neccessarias ein stadas plazzadas odem las baselgias da Schlans, Trun e Zignau.

Perstgisas: Serafin Rensch, Lea Alig, Tina Derungs, Annamaria Cavigieli, Flurin Decurtins

La gliesta da tractandas vegn approbada unanimamein.

Sco dumbravuschs vegn **Fis Guldemann** elegidius unanimamein.

2. Protocol dalla radunonza generala dils 10 da matg 2022

Il protocol dalla radunonza generala dils 10 da matg 2022 vegn approbaus unanimamein. Cordial engraziament alla actuara Olivia Pfister-Tgetgel.

3. Rapports

a) President

Il president menziunescha in pèr puncts essenzials ord siu rapport 2022. Nies plevon sur Tomasz ei dapi 15 onns en nossa pleiv, cordial engraziament ad el cun surdar in pign present. Rita Caduff ei stada 15 onns secretaria, igl atun vargau ha ella visau la plaza, era ad ella engraziel fetg per siu engaschi. Cordial engraziel era allas duas catachetas Isabelle e Rilana ed al catastet Stefan per lur engaschi culs affons e per la pleiv. Il rapport cumplet ei annexaus a quest protocol.

Cun ina Salidada essan nus seregurdai dils defuncts. Possien els ruassar en pasch.

b) Administratur dils beins

Il rapport cumplet digl administratur dils beins, Benedetg Albin, ei annexaus a quest protocol.

Grond engraziament a Benedetg per sia gronda lavur. Deplorablamein vul el abdiccar l'auter onn siu post.

4. Rendaquen per 2022

a) Rapport dil cassier

Il cassier, Alois Tomaschett, presenta il quen dalla pleiv che siara cun entradas da frs. 383'465.55 ed expensas da frs. 375'378.05 che muntan in gudogn da frs. 8'087.50 La facultad dalla pleiv pils 31.12.2022 mutta frs. 655'211.75

Il quen cumplet ei annexaus a quest protocol.

b) Rapport da gestiun

En num dils revisurs confirma Gion Friberg

- ch'ils mussaments d'entradas ed expensas ein avon maun
- ch'ils contos da bilanza e dil quen da menaschi corrispundan allas cudaschaziuns
- che la facultad corrispunda alla bilanza dils 31-12-2022
- che la contabilitad ei menada a moda exemplarica

c) Approbaziun dil quen e conclus da scarica

Sin fundament dil rapport da revisiun propona il revisur d'approbar il quen digl onn 2022 cun dar scarica alla suprastanza.

La radunanza approbescha unanimamein il quen 2022 e dat scarica alla suprastanza.

5. Rendaquen dallas fundaziuns per 2022

a) Rapport dil plevon e dil cassier

Sur Tomasz dat rapport sur dil quen dallas capluttas e messas fundadas. Il cassier Alois dat rapport dalla facultad dils fondos ecclesiastics.

Il quen cumplet ei annexaus a quest protocol.

b) Rapport da gestiun

Sin fundament dalla revisiun propona il revisur d'approbar il quen dallas fundaziuns digl onn 2022 cun dar scarica alla suprastanza.

La radunanza approbescha unanimamein il quen dallas fundaziuns 2022 e dat scarica alla suprastanza.

Il president engrazia als funcziunaris dallas differentas fundaziuns pigl engaschi e la buna lavur.

6. Preventiv 2024

Il cassier Alois Tomaschett presenta il preventiv per 2024 cun entradas da frs. 335'500.- ed expensas da frs. 338'300.- che preveda ina sperdita da frs. 2'800.-

Il preventiv 2024 ei annexaus al protocol.

La radunanza approbescha unanimamein il preventiv 2024.

7. Fixaziun dil pei da taglia per 2024

La suprastanza propona da schar il pei da taglia sin 15% dalla taglia sempla sco entochen dacheu.

La radonanza decida unanimamein da schar il pei da taglia per 2024 sco tochen dacheu sin 15% dalla taglia sempla dil cantun Grischun.

8. Rapport dalla presidenta dil cussegl pastoral

La presidenta dil cussegl pastoral, Isabelle Defuns-Gamboni, dat in cuort rapport sur dil curriu e passau. Las duas catachetas han creau in flyer per affons 'Sin via cun Diu, neu e smarveglia'. Quei ei in program facultativ per affons da scoletta tochen scalem ault, las occurrenzas ein vegnidas visitadas per part fetg bein. Il rapport ei annexaus a quest protocol.

9. Elecziuns

- a) actuara Olivia Pfister-Tgetgel

L'actuara Olivia stat vinavon a disposiziun per il post e vegn reelegida unanimamein per in'ulteriura perioda da 3 onns.

10. Sanaziun parziale dalla Baselgia Nossadunna dalla Glisch

Patrick Rothmund da Spacial Design rapporta cuort sur dallas lavurs dalla sanaziun parziale dalla baselgia NdG. Entschiet ei vegniu il zercladur 2022 cun lavurs d'excavazion e gep giudem ils mirs entuorn baselgia. Uonn ei il palancau vegnius construius. Entschiet ei vegniu cun las lavurs vid il clutger. Las lavurs canticuan bein el plan da termin. Ils cuosts ein el preventiv da frs. 790'000.-.

Dumeni Tomaschett, la vischunaunca sanescha il plaz avon baselgia il 2024.

Il president Pieder engrazia ad Patric pil rapport e sia buna lavur ed alla vischunaunca per la sanaziun dil plaz.

11. Illuminaziun en baselgia parochiala Trun

Tier las cazzolas en baselgia parochiala glischan differents pérs buc pli. Il problem ein buc ils pérs mobein las lingias ni nuschs. La suprastanza ha dumandau Flurin Decurtins, Electro Decurtins, per in'offerta per tuttas cazzolas en baselgia, quella mutta frs. 50'000.-. Denton eran quellas cazzolas ch'el ha presentau plitost mo funcziunalas e buc bialas per ina baselgia. Nus dumandein la radunanza per in credit da frs. 80'000.- per ina nova illuminaziun en baselgia.

Ei vegn discurriu e fatg diversas damondas e propostas.

La radunanza conceda unanim in credit da frs. 80'000.- per ina nova illuminaziun interna en baselgia parochiala.

12. Restauraziun interna dalla secunda alzada en casa pervenda Trun

En casa pervenda a Trun ei la secunda alzada antiquada e vess basegns dad ina renovaziun (preits e plantschius). Nus vein in'offerta per lavurs da scrinari da frars Maissen SA da frs. 60'000.-, vidlunder vegnan aunc lavurs da sanitär ed electro. Nus dumandein la radunanza per in credit da frs. 90'000.- per ina restauraziun interna dalla secunda alzada en casa pervenda Trun. Ei vegn discurriu e fatg damondas sur dalla restauraziun. Gabriela Vincenz propona in credit da frs. 100'000.-

La radunanza conceda unanim in credit da frs. 100'000.- per ina restauraziun interna dalla secunda alzada en casa pervenda Trun.

13. Sanaziun dalla Via Carmanera

Per la sanaziun dalla via Carmanera ha la suprastanza communalia fatg la damonda da cumprar in toc terren da 153m² per frs. 2.-/m² dallas parcelas 1778, 1784, 1786, 1806, 1810.

La radunanza concluda suandon

total presents:	26 persunas
persuenter:	26 vuschs
encunter :	0 vuschs
s' abstrahau dalla vusch:	0 vuschs

da vender il terren da 153 m² per frs. 2.-/m² dallas parcelas 1778, 1784, 1786, 1806, 1810 alla vischunaunca Trun.

14. Varia

Mathias Bundi engrazia a tuts funcziunaris dalla pleiv per la buna ed inovativa laver prestada. Igl ei da far patratgs sur dil futur era dils stabiliments dalla pleiv p.ex. per concerts ellas baselgias a Trun ni Nossadunna. Da patertgar fuss culs onns era ina restauraziun dall'orgla en baselgia parochiala. Da deplorar ei sco il hospezi a Nossadunna sepresenta, plitost trest.

Luregn Mathias Pfister damonda da mirar en baselgia a Schlans daco ch'ils mirs vegnan ners.

President Pieder: ella davosa sesida da suprastanza havein nus discuriu dall'orgla en baselgia. Nus essan decidi da far pil mument las lavurs las pli necessarias. Ina restauraziun gronda ni ina orgla nova sa la pleiv pil mument buc finanziar.

Daniel Tuor (consuprastont da Trun Cultura) sostegn il patratg da Mathias. La Casa Carigiet ei en planisaziun da vegnir ina casa da cultura pil diever da differentas occasiuns.

Isabelle Defuns: la casa Carigiet fuss era d'engrau alla pleiv per occurrentzas pils affons, per apéros eav.

Il Cussegl pastoral organisescha quest'atun in viadi da pelegrinadi.

Pieder engrazia a tuts presents ed alla vischernaunca per far diever dalla sala ed al pedel Lotar.

Trun, ils 10 da matg 2023

L'actuara: Olivia Pfister-Tgetgel

Visau dil president: Pieder Decurtins